



Future-proofing our children

Ditaelo tsa tumelo Thuto 1

Setlhogo

Go tlhoka tshepho mo Modimong – Dingwaga
tse masome a mane mo sekakeng

Mokaedi wa batsadi
Sekolo sa Tshipi ithutelo lapeng



Go Motsadi

O amogelesegile mo “**Go tlhoka tshepho mo Modimong – dingwaga tse masome a mane mo sekakeng**” Thuto ya ditaelo tsa tumelo.

Mokwalo o o go fa thutuntsho e potlana gore o ka ruta jang thuto e

O ka ipaakanya le go ruta thuto e jang

Fa tlase ke maele a go ipaakanya le go ruta thuto e:

Kgato	Tiriso
1.	Etela maranyane a New Apostolic Church Website ka go tobetsa seele se se latelang mo maranyaneng a gago a WhatsApp: https://www.nac-sa.org.za/nac-sa-home/nac-sa-pastoral/sunday-school.html
2.	Kgobokanya di dirisiwa tse di latelang go netefatsa fa o ipaakanyeditse thuto e: • Baebele • Mokwalo wa thuto wa PDF o o setseng o baakantswe. • Pena, metako le lekwalo la ngwana, etc. • Setshwantsho sa motshikhinyego se se leng thuso e nngwe • Katakasima le Dipotso le dikgarabo (bogolo jang mo batlhomamisiweng) • Ela tlhoko: 2.1: Nako e siametseng go ruta ke maphakela a sontaga morago ga tirelo ya tshipi, go tsamaelana le lenaneo la malatsi otlhe a sekolo sa tshipi, go tswaledisa lenaneo. 2.2: Ka tswe-tswe dira thuto e nne khutshwane , o etse tlhoko gore bana ba reeditse ka kelelelo – o itse ngwana wag ago botoka! <i>Tirelo ya sekolo sa tshipi ga e hete metsotso e 45 .</i> 2.3: Thuto e lebaganye (SS1, RI1 kana Tlhomamiso). 2.4: O ka kopa thuso mo morutabana wa gago wa sekolo sa tshipi fa o tlhoka thuso.
3.	Rapela (Bona thapelo ko bofelelong jwa thuto e) O kope Modimo go go thusa go ruta ka tsela e a eletsang re ka e ruta ka teng.



Go ruta thuto ya sekolo sa tshipi mo lapeng

O ka ipaakanya le go ruta thuto e jang

Re tswela ka go abalana maele a go ipaakanya le go ruta thuto e:

Kgato	Tiriso
4.	Dira seemo se se siameng, se se senang dikgoreletsi se wena le bana/ngwana le leng fa go tshwanang. Sekai: Nnang mo tafoleng
5.	Bala thuto. E bale gape gore o e tlhaloganye. Lebelela setshwantsho sa motshikinyego go re o tlhaloganye botoka
6.	Kwala dintlha tsa botlhokwa tse o batlang go di gakologelwa.
7.	Tlhaloganya maikaelelo a thuto a e leng gore ngwana wa gago o tshwanetse go a gakologelwa
8.	Ruta ngwana wa gago thuto ka go jaaka polelo, o ka nna wa bala.
9.	Supegetsa ngwana wa gago setshwantso sa motshikinyego mme o soboke molaetsa.
10.	Laela ngwana go dira tekeletso e mo lokwalong la gagwe la ikatiso
11.	Rapela, kana kopa ngwana wa gago go rapela go tswala thuto

Di dirisiwa tse di leng teng go ithutela ko lapeng

Tse ke dingwe tsa di dirisiwa tse di ka thusang mo thutong:

1. WhatsApp, buisanyang le ba lelapa le lengwe ka thuto ya batlhomamisiwa.
2. Buisanyang ka thuto le batsadi ba bangwe go tsaya tlhaloso pele ga o ka ruta.
3. Gololesega go tlhotlhomisa ka thuto e gore o nne le kitso e e oketsegileng
4. Itshwaraaganye le mogokaganyi wa sekolo sa tshipi kana morutabana wa sone go go fa kitso e nngwe.



Thutho

Setlhogo	Go tlhoka tshepho mo Modimong– Dingwaga tse masome a mane mo sekakeng
Ditemana	Dipalo 13 – 14; Dipalo 16 le Dipalo 20 – 21
Maikaelelo a thuto	Re ithuta gore le fa Baiseraela ba ne ba emela ditlamorago tsa go tlhoka go latela ditaolo tsa Modimo, Modimo o ne wa tswelela ka go ba tlhokomela.

Tshoboko ya thuto:

- Fa ba sena go tswa ko Egepeto, Baiseraela ba ne ba ralala sekaka go ya ko lefatsheng le Modimo a neng a ba le solofeditse.
- Fa ba atumela Kanana, ba ne ba kampa ka nakwana mo nageng ya Parana.
- Morena a laela Moshe go tlhopha batsaya ditlholwa ba le 12, ele kgosana ya letso lengwe le lengwe la bana ba Iseraela go ya go keleka lefatshe la Kanana.
- Morago ga malatsi a masome a mane, Ba boela ko kampeng. Ba fa pego ya bone, 'Lefatshe le elela mashi le dinotshi! Se ke leungo la teng. Mme batho b aba nnang kwa ke mekaloba.
- Ba ba lesome bone ba re: Ga re kake ra lwantsha batho ba le; ba marapo go re gaisa. Ba ba bedi Joshua le Caleb, bae ma ka dinao ba re... "Ka thuso ya Modimo bat la a gapa Kanana".
- Baiseraela ba boifa mme ba simolola go ngongorega. Ba ngunanguna ba lela. Ba ngongorega ko go Moshe le Arone. Ba ne ba batla go boela Egepeto.
- Morena o ne a galefelela maitsholo a ba Iseraela. O ne a batla gore ba bolawe ke bolwetse jo bo maswe, mme Moshe a ba emela, a kopa Modimo gore a seka a ba bolaya ka bolwetse.
- Morena ga ka a ba lesa ba swa, mme a raya Moshe a re ka gore ba Iseraela ba ne ba ngongorega ka ene, ga gona ope wa bone yo o dingwaga tse di fetang 20, kwa ntle ga ga Caleb le Joshua yo o tla a tsenang ka lefatshe la tsholofetso. Modimo a laela Moshe gore o tla ba otlhaya ka go baya mo sekakeng dingwaga tse masome a mane, letsatsi lengwe le lengwe le batsaya ditlholwa ba neng ba le ko Kanana le emelwa ke ngwaga.
- Batsaya ditlholwa baba lesome baba neng ba bua mafoko a bosula ba ne ba bolawa ke bolwetse. Go ne ga sala Joshua le Caleb – bone baba neng ba tshepha Modimo.
- Nako ya go nna mo sekakeng e e neng ya latlela e ne ya nna thata mo go Moshe. E ne ya goga ngwaga di le 40. Baebela e thalosa ditiragalo tsa mo sekakeng.



Thuto e re ruta eng tsatsi jeno?

- Morena o ne a solofetse Baiseraela go mo tshepha bogolo jang ka a ba babaletse tsela ya bone yotlhe.
- Baiseraela ba ne ba babalelwa ke manokonoko a go tlhoka go reetsa le go Tshepha Modimo.
- Ka tsela e tshwanang Modimo o tla re otlhaya fa re sa mo tshephe.
- Re latela jang go rata ga Modimo?
- Re elatlhoko lefoko la Modimo.
- Re dira se a re laelang go se dira (Re latela ditaelo tsa gagwe).
- Re tshepha Morena ka nako tsotlhe, go le monate le go le botlhoko.
- Re lebogela se Modimo a se re direlang kana a se re fa.

Dira tekeletso 1, 2 le 3 le ngwana wa gago.

Dipotso tse re ka di botsang:

1. Ke ka go reng Baiseraela ba ile ba lebagana le mathata a mantsi mo tseleng ya go ya ko lefatsheng la tsholofetso?

Karabo: Bane ba itlhokomolosa Gorata ga Modimo gape bas a mo tshephe.

2. E nnile ngwaga di le kahe Baiseraela ba kaila mo sekakeng?

Karabo: dingwaga di le 40.

3. Ke batsaya ditlholwa bafe baba neng ba letlelelwa go tsena mo lefatsheng la tsholofetso?

Karabo: Joshua le Caleb.

4. Modimo o ne wa laela Moshe le Arone go dira jang go bona metsi mo lentsweng?

Karabo: Ba ne ba tshwanelwa ke go phutha batho mme ba bua le lentswe mo pele ga batho.

5. Moshe o ne a dira eng ?

Karabo: O ne a betsa lentswe ka thobane.

6. Modimo o ne a reng morago ga mo?

Karabo: Moshe le Arone ba seka ba letlelelwa go tsena ka lefatshe la tsholofetso.





Thapelo ya ga Rre le Mme le pele ga thuto:

*Modimo o rategang, ke lebogela letsasti le
Segofatsa batsadi le bana botlhe
Mma re ikutlwele boleng teng jwa gago
Segofatsa thuto e re yang go e amogela
Re kopa o re rute go go direla
Re thuse go dira thato ya gago
Gore re golele gaufi le wena
Romela Jeso go tla go re tsaya
Mme re bo re ipaakanyeditse go mo kgatlhantsha
Amen*



Thapelo ya morago ga Thuto:

*Rraarona wa ko legodimong
Re lebogela pabalelo ya gago.
Nthusa go nna lerato mo go ba bangwe.
Re lebogela go bo o le Modisa yo molemo yo o re tlhokomelang ka lerato.
Amen*